

Claudii Fleurii Abbatis Historia Ecclesiastica

Ab anno Christi 1400. usque ad annum 1415 - Unacum Dissertatione
Præliminari Ad Historiam Sæculi XV.

Fleury, Claude

August. Vind. [u.a.], 1767

VD18 90118286

§. 37. Benedictus obtinet decimas de Clero Gallicano.

[urn:nbn:de:hbz:466:1-66281](https://nbn-resolving.de/urn:nbn:de:hbz:466:1-66281)

Sæcul. XV. suos, cum Benedicti Legatos detinuisse
A.C. 1405. insimularentur, defendendos suscepit, totamque culpam in ipsosmet conjecit Legatos & Castelli Præfectum, apud quem, licet incassum, pro eorum liberatione (vacante sacra sede) ipsi Cardinales egissent.

§. XXXVI.

Benedictus Papa iter in Italiam meditatur.

*Antonius.
part. 3. tit.
22. c. 4.*

Omnes istæ Benedicti Papæ fraudes hoc pacto detectæ, grave rebus suis intulerunt dispendium; Qui tamen desperatæ caussæ opportunum quærens remedium, ubique jactitabat, sibi nil antiquius esse pace Ecclesiæ reddenda, atque eo fine se ipsum in Italiam profecturum, ut Innocentium, quem tanquam Sedis Apostolicæ invasorem criminabatur, ad amplectendam quoque unionis viam permoveret.

§. XXXVII.

Obtinet decimas de bonis Cleri Gallicani.

*Monach.
S. Dionys.
l. 25. c. 1. § 2.*

Speciosa hæc promissio delusit plurimos, & Benedictus ad hujus itineris expensas de cunctis Cleri Gallicani bonis decimas, seu decimum exigendi nummum facultatem obtinet, quam etiam su-

per

per cetera aliarum obedientiae suae Ec-^{Sæcul. XV.}
clesiarum bona extendit, designans duos, A.C. 1405.
qui hasce decimas colligerent, Episcopos,
Toletanum ipsius Nepotem, & alterum,
quem nonnulli Leitorensem in Vasconia
fuisse autumant: hanc rem Parisiensis
Universitas, quamvis ipsa sicut & non-
nullæ aliæ ab hoc onere immunes essent,
admodum moleste tulit. Interim Bene-
dictus iter Genuam aggressus est, illo au-
tem viam suam prosequente quædam
Romæ contigerant, quæ omnino hic re-
censenda veniunt.

Dux Bituricensis Innocentii dictis fi-
dem adhibens, mittit ad eum Oratores u-
na cum epistolis, quibus Pontificem ad
procurandam Ecclesiæ unionem verbis
oppido gravibus incitaverat. Innocen-
tius haud segnius ardentissimum pacis
studium in suis demonstrabat responsis,
& cuncta, quæ Universitati Parisensi cir-
ca Benedicti Legatos ad Bonifacium mis-
sos exposuerat, iterato confirmabat: I-
dem quoque ad Episcopos Florentinum,
& Fesulanum, necnon ad alias duos Do-
ctores rescribit, remisso tamen semper
toto negotio ad futurum Concilium, quod
ad diem festum Omnitum Sanctorum in-
dixerat. Ceterum neque istud ad extin-
quendum schisma idoneum erat medium,
partim quod locus, in quo haberetur, su-
spectus esset, partim quod ipsum Con-
Ejst. Eccles. Tom. XXV. D cilium

Sæcul. XV. cilium nonnisi ex folis obedientiae suæ
A.C. 1405. addictis fuisse congregandum: quapropter non pauci sinceram Pontificis intentionem in dubium vocarunt.

§. XXXVIII.

Innocentius Papa undecim creat Cardinales.

Raynald.
n. m. 7.

Innocentius ad augendum sui Collegii numerum die duodecima Junii undecim creavit Cardinales, scilicet octo Presbyteros, & tres Diaconos. Quorum primus erat Conradus Caracciolum patria Neapolitanus, Episcopus Melitensis tituli S. Chrysogoni, summus Pontificii ærarii Praefectus; Alter, Angelus Corrius nobilis Venetus, titulo tenuis Patriarcha Constantinopolitanus; Tertius, Franciscus Archiepiscopus Burdigalensis Cardinalis tit. SS. quatuor Coronatorum; Quartus, Jordanus Ursinus Archiepiscopus Neapolitanus; Quintus, Joannes Melioratus, Pontificis Nepos & Ravennas Archiepiscopus; Sextus Petrus Cretensis Archiepiscopus Mediolanensis, qui assumpto Alexandri V nomine postea Pontificatum gessit; Septimus, Antonius de Arcionibus Episcopus Asulanus, Cardinalis tituli S. Petri ad vincula; Octavus, Antonius de Calvis Romanus, E-

pisco-